

SCRIPT OF EVENING GOJRI NEWS BULLETIN 2JULY 1700 HRS

ايونينگ گو جري نيو ز بليٽن مو رخه 2 جولائي 2025

يوه آکا شواني جمون به عبيد لر حمان ته نصرت تين خبر سنو.

HEADLINES

۱. کشمير مانہ بال تال آله رسته سالانہ شري امرناتھ ياترا غي باقاعده شروعات آئينده کل تين وے غي.
۲. ليفٽيننٽ گورنر منوج سنہا نه کهيوبه که امرناتھ ياترا دبش گردی غي خلاف روحاني جواب به تيوکست بھارت غي تعمير وستے ايک اہم قدم به.
۳. قواڈ ممبر ملکان نه پهلگام دبشتگرد حملہ غي سخت مزمت کرتا وان کهيوبه که اس حملہ مانہ ملوث دبشت گردان غي خلاف سخت کارواني هوني چاہيے.
۴. جمون کشمير سرکار نه يوٿي غي اندر قائم آئي ٿي پارکان غا معائينہ خاطر ايک گروپ تشکيل دتو به.
۵. ضلع راجوري غي اندر گران دارا مانہ پاني نال پھيليا گيسٿرو انٿرائٽس انفیکشن تين بعد علاقه 5 چشمان نانہ استعمال وستے مکمل بند کردتو گيو به.

AMARNATH YATRA

شري امرناتھ گپھا غي ياترا پلک تين باقاعده شروع بو رہي به جھيڑی بالتال ته پهلگام غا رستان تين وے غي. ليفٽيننٽ گورنر منوج سنہا نه اج سویرے بھگوتي نگر بنيادی کيمپ جمون تين ياتريان گا پھلا جتھ نانہ روانہ کيو. گل ملا غي 5892 ياتري وادي در روانہ هوا جن وچون 2489 بالتال غا رسته تين ته 3403 پهلگام غا طويل رسته تين گپھا در جين غا اس گروپ مانہ 4395 مرد 1043 خواتين 31 بچہ 335 سادھو 72 سادھوي ته 16 دوجي جنس غا ياتري شامل بين جمون تين روانگي غي بعد امرناتھ ياتريان گو ادھمپور ته ارم بن ضلع مانہ شاتدار استقبال کيو گيو نائيب وزير اعلي نه بانہال غا لمبر لنگر مقام ور ياتريان غو گرم جوشي تين خير مقدم کيو اس موقع ور نائيب وزير اعلي نه اس طرح کهيوجد ياتري کشمير پُجيا تو اُن گو قاضي گُنڈ غي قريب نويگ ٿنل ور وي پُرتپاک خير مقدم کيو گيو. انتظاميه ته مقامی لوکان نه دل غي گہرائياں تين ياتريان غو استقبال کيو. اس دوران ايک ياتري نه آکاشواني غا خبران آلا شعبہ سنگ گل کرتا وان اپنا خيالات غو اظہار کرتا وان اس طرح کهيو.

LG ARTICLE

ليفٽيننٽ گورنر منوج سنہا نه کهيو به کہ اس سال غيا امرناتھ ياترا دبشت گردی غي خلاف ايک مضبوط بيان به ته وکست جمون کشمير ته وکست بھارت غي تعمير مانہ ايک اہم قدم به سوشل ميڈيا پوسٽ مانہ جاری ايک مضمون مانہ ايل جي موصوف نه کهيو کہ پهلگام حملہ نه جمون کشمير نانہ ايک ٿنگو زخم دتو جس غي روحاني طرز ور بھرياني ضروري تھي ته امرناتھ ياترا اس حملہ غا زخماں گی بھرياني کرے غي ايل جي موصوف نه سالانہ امرناتھ ياترا غي اہميت ور گل بات کرتا مانہ کهيو کہ تعميري ٿھانچہ غي مزيد ترقی ته موثر حفاظتي انتظامات امرناتھ ياتريان وستے ہر وقت دستیاب رکھيا جئیں.

CM AMARNATH GREETINGS

وزیر اعلیٰ عمر عبداللہ نے امرناتھ یاترا واسطے آیا عقیدت منداں انہہ مبارک پیش کی ہے سوشل میڈیا پیغام مانہہ وزیر اعلیٰ نے تمام یاتریاں وستے نیک خواہشات غو اظہار کیو اُن گو پیغام روہائی تے ثقافتی اہمیت رکھے تے جموں کشمیر غا مزببی کیلنڈر مانہہ امرناتھ یاترا ایک بت حد اہم تقریب ہے جس دوران ہزاراں غی تعداد مانہہ عقیدت منداں امرناتھ گپھا مانہہ حاضری دین وستے ہمالیائی علاقہ گو سفر کریں۔

QUAD PEHALGAM ATTACK

قواد ملکاں نے اپن ایک بیان مانہہ کہیو ہے کہ پہلگام دہشت گرد حملہ مانہہ ملوث دہشت گرداں تے اُن غا حمایتاں نانہہ بغیر کسی تاخیر تیں قانون غی گرفت مانہہ لیو جے تے انصاف قائم کی وجے اقوام متحدہ ممبر ملکاں تیں وی اپیل کی گئی ہے کہ وے اقوام متحدہ حفاظتی کونسل غی متعلقہ قرارداد تے بین العقوامی قوانین غے تحت اس معاملہ مانہہ تعاون کریں بھارت اسٹریلہ جاپان تے امریکہ غی طرفوں سانجے طور جاری کیا گیا ایک بیان مانہہ 22 اپریل نانہہ ہویا پہلگام حملہ غی سخت مزمت کی گئی ہے جس مانہہ 26 افراد ہلاک ہو گیا تھا تے اس حملہ نال سرحدان ور کشیدگی غو ماحول وی پیدا ہو گیو تھو قواڈ نے ہر طرح غی دہشت گردی غی سخت مزمت کی ہے تے دہشت گردی غے خلاف ہر طرح غا تعاون غی یقین دہانی کرائی ہے۔

JK IT PARKS

جموں کشمیر سرکار نے علاقہ غے اندر تکنیکی شعبہ غا فروغ خاطر ایک اہم قدم چاتاں مانہہ ایک گروپ تشکیل دتو ہے جہیڑو جموں کشمیر یو ٹی غے اندر آئی ٹی پارک نانہہ دریافت کرے غو ماہرین غا اس گروپ مانہہ آئی ٹی جموں آئی ٹی اہم جموں تے دوجا اہم اداراں تیں اعلیٰ حکام تے ماہرین جڑیا ہیں جہیڑا بھارت غا بڑا اداراں نال جڑیا آئی ٹی پارک نموناں غو معائنو کریں گا۔ یوہ گروپ 45 دن غے اندر اپنی تفصیلی رپوٹ پیش کرے غو تے اس قدم گو مقصد جموں کشمیر غے اندر نوی ایجادات روزگار تے معاشی ترقی غا زریعاں تیں علاوہ تعمیری ڈھانچہ تے منصوبہ بندی ور لائحہ عمل تیار کرنو ہے۔

RAJOURI GASTRO

ضلع راجوری غا ڈار ساکری گراں مانہہ گیسٹروانٹراٹس تے ڈائریا جیسی بیماری خراب پانی نال پھیل گئی ہے مارا ضلع نمائندہ نے خبر دتی ہے کہ مزکورہ گراں غے اندر 5 چشماں تے باولیاں نانہہ احتیاطی طورور استعمال وستے مکمل بند کردتو گیو ہے 2 چشماں غا پانی مانہہ ای کو لائی جراثیم غی موجودگی پائی گئی ہے جس نال صحت متعلق کئی حدشات پایا جارہیا ہیں مقامی لوکاں نانہہ ہدایت کی گئی ہے کہ وے غیر محفوظ پانی گو استعمال نہ کریں اس بارے مزید جانکاری دیتا وان مارا آکاشوانی غا ضلع نمائندہ نے اس طرح کہیو۔

AYUSHMAN CARDS

قبائلی طبقاں وستے طبیعی سہولیات نانہہ مزید آسان بنان خاطر پورا ملک غے اندر 15 جون تیں 30 جون توڑی تقریباً 4 لکھ 9 ہزار آیوش مان کارڈ جاری کیا گیا ہیں دھرتی آہا جن بھاگیداری ابھیان غے تحت یہ آیوش مان کارڈ جاری کیا گیا ہیں اس مہم گو مقصد قبائلی آبادی نانہہ معیاری صحت سہولیات دستیاب کرانو تے اُن ور صحت غی خرابی نال آن آلا مالی بوجھ نانہہ کم کرنو تے قبائلی آبادی نانہہ باختیار بنانو تھو۔

RAMBAN JK SAMADHAN

ضلع انتظامیہ رام بن نے شہریاں تیں اپیل کی ہے کہ جے کے سمادھان پورٹل غو بھرپور استعمال کریں تانجے شکایات غو فوری تے شفاف حل ممکن ہو سکے تے شہری اپنی ور درج کرواسکیں تے ہیپ لائن <http://samadhan.jk.gov.in> شکایت ویب سائٹ نمبر 1905 ور دائل کرغے دے سکیں۔ اس غو مقصد ایک ذمہ دار تے عوام دوست حکومت غا نظام نانہ فروغ دینو ہے تانجے عوام تے انتظامیہ غے درمیان رابطو مضبوط وے تے خدمات بہتر طریقہ سنگ فراہم وے۔

KATHUA LIGHT SHOW

ضلع انتظامیہ کٹھوعہ اج شام 8:30 بجے تیں روشنیاں غو شاندار مظاہرہ غو پروگرام انعقاد کر رہی ہے جہیڑو کٹھوعہ گا پانی غے کنڈے آلا مقام ور منعقد وے گویوہ پروگرام روشنی موسیقی تے بصری کہانیاں گو دلکش منظر وے گو مقامی افراد تے سیاحان نانہ مدعو کیو گیو ہے کہ اس خوبصورت تقریب تیں لطف اندوز ہو کسیں اس گو مقصد ضلع غا چقافتی پہچان نانہ آجاگر کرنو عوامی مقامات نانہ فروغ دینو تے برادری غی شمولیت نانہ بصری انداز مانہ بڈھاوو دینو ہے۔

HADP REASI

جموں کشمیر مانہ پائیدار باغبانی کساناں غی زندگی بدل رہی ہے جت آم جیسا آعلی پیداوار آلا پھلاں غی کاشت تیں کسان اپنی آمدنی مانہ اضافو کر رہیا ہیں حکومت غو جامع زرعی ترقیاتی منصوبو تکنیکی معاونت معیاری پودا تے منڈی توڑی رسائی فراہم کر رہیا ہیں، جس تیں اقتصادی ترقی غے نال نال ماحولیاتی توازن نانہ وی فروغ مل رہیو ہے ریاسی ضلع گا باگا گراں غی انیتا کماری غی کامیاب کہانی اس پروگرام غی ایک مثال ہے جس نے آم غی کاشت سنگ ڈیڑھ لکھ روپیہ کمایا ہیں۔ آکاشوانی غا خبراں آلا شعوبہ سنگ گل کرتا واں انیتا کماری نے اس طرح کہیو۔
